



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Broj: 01/7-02-2405/24-2
Sarajevo, 06.12.2024. godine

Primljeno:	10-12-2024		
Org. jed.	Broj	Priloga	Vrijednos.

Dana 06.12.2024. godine održana je 6. sjednica Komisije za informisanje Predstavničkog doma Parlamenta Federacije Bosne i Hercegovine (u daljem tekstu: Komisija). Sjednici Komisije prisustvovao je dovoljan broj članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći:

DNEVNI RED

1. Inicijativa koju je podnio Haris Silajdžić, zastupnik u Predstavničkom domu Parlamenta Federacije BiH, broj: 01/c-02-380/24, dana 06.11.2024. godine,
2. Urgencija u vezi tehničkih problema prenosa sjednica Parlamenta Federacije BiH.

Na osnovu člana 44., a u vezi sa članom 63. Poslovnika Predstavničkog doma Parlamenta Federacije BiH, Komisija podnosi sljedeći:

IZVJEŠTAJ

Ad-1.

Uvodno izlaganje dao je Haris Silajdžić, zastupnik u Predstavničkom domu Parlamenta Federacije BiH i veoma detaljno upoznao Komisiju sa dostavljenom Inicijativom, broj: 01/c-02-380/24, od dana 06.11.2024. godine u kojoj se traži od rukovodstva Predstavničkog doma i rukovodstva Doma naroda Parlamenta Federacije BiH da omoguće prijenos sjednica oba doma Parlamenta Federacije BiH kao i prijenos sjednica radnih tijela, odnosno odbora i komisija putem Javnog radio-televizijskog servisa Federacije BiH kako bi građani bili što bolje i što potpunije informisani o radu ovog najvećeg zakonodavnog tijela u Federaciji BiH.

Također, svoj doprinos tokom uvodnog izlaganja dao je i Aldin Šljivo, načelnik Zajedničke službe Parlamenta Federacije BiH.

Nakon uvodnih izlaganja uslijedila je diskusija tokom koje su pojedini članovi Komisije iznijeli svoje prijedloge, primjedbe i sugestije i na kraju pristupili glasanju, te donijeli sljedeće:

ZAKLJUČKE

1. Komisija podržava Inicijativu koju je u parlamentarnu proceduru uputio Haris Silajdžić, zastupnik u Predstavničkom domu Parlamenta Federacije BiH.



2. Komisija traži od rukovodstva oba doma Parlamenta Federacije BiH da pristupi implementaciji ove Inicijative u korist građana i povećanja transparentnosti o radu Parlamenta Federacije BiH.

Ad-2.

Predsjednik Komisije je upoznao prisutne članove Komisije sa tehničkim problemima prenosa sjednica Parlamenta Federacije BiH kao i činjenicom da je već ranije upućivao e-mailove predsjedavajućem i sekretaru Predstavničkog doma u vezi ove problematike i ništa se nije poduzelo po pitanju rješavanja navedenih problema.

Također, prisutnim članovima Komisije se obratio i Aldin Šljivo, načelnik Zajedničke službe Parlamenta Federacije BiH i veoma detaljno ih upoznao sa trenutnim stanjem i posjedovanjem tehničke opreme sa kojom raspolaže Parlament Federacije BiH kao i sa nedostatkom finansijskih sredstava za nabavku nove opreme, te problemima u vezi izvođenja radova u amfiteatru koji zahtijevaju rekonstrukciju koja bi izašla iz okvira tekućeg održavanja, jer zgrada nije u vlasništvu Parlamenta Federacije BiH

Nakon uvodnih izlaganja uslijedila je diskusija tokom koje su članovi Komisije iznijeli svoje primjedbe i sugestije, te na kraju jednoglasno podržali sljedeći:

ZAKLJUČAK

Komisija za informisanje ponovno urgira i traži od rukovodstva oba doma Parlamenta Federacije BiH da pod hitno pristupe rješavanju tehničkih problema u amfiteatru za održavanje sjednica Parlamenta Federacije BiH, te da prilikom planiranja Budžeta za 2025. godinu obavezno planiraju i obezbijede potrebna finansijska sredstva za otklanjanje tehničkih problema s ciljem poboljšanja i unaprijeđenja transparentnosti rada i prijenosa sjednica oba doma Parlamenta Federacije BiH.

PREDSJEDNIK KOMISIJE

Sanel Kajan, s.r.

Dostaviti:

- članovima Komisije
- rukovodstvu Predstavničkog doma
- rukovodstvu Doma naroda
- sekretaru Predstavničkog doma
- sekretaru Doma naroda



BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Komisija za informisanje



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ

BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

- Komisiji za informisanje Doma naroda
- Harisu Silajdžiću, zastupniku u Predstavničkom domu
- načelniku Zajedničke službe Parlamenta FBiH
- a/a.